

Brita Oskal Eira epost 22.11.2021

Oahpahusvuoigatvuođat visot sámi ohppiin:

Visot sámi ohppiin lea vuoigatvuohta oahpahussii sámeigiella fágas, beroškeahttá gos Norggas orrot. Dát vuoigatvuohta lea olles vuođđooahpahas (mánáid- ja nuoraidskuvllas ja joatkkaskuvllas). Definišuvdna sápmelaš olbmoss lea seamma go dat eavttut maid fertet deavdit beassat čálihit iežat sámi jienastanlohkui. Oahppi váhnemat eai dárbbas leat čálihuvvon Sámediggi jienastanlogus.

Gustovaš oahpahuslágas ráddjejuvvo sámi ohppiid vuoigatvuohta oahpahussii sámeigielas ja sámegillii vuođđoskuvladássái sidjiide geat ássat sámeigiela hálddašanguovllu siskkobeaide dahje olggobealde.

Oahpahusvuoigatvuođat siskkobeaide Sámeigiela hálddašanguovlluid:

Ohppiin lea vuoigatvuohta oažžut skuvlafálaldaga sámeigielas ja sámegillii. Norgga Sámediggi ii ane riehta das ahte giellalávgun ii leat sihkarastojuvvon lágas.

Oahpahusvuoigatvuođat olggobealde Sámeigiela hálddašanguovlluid:

Ohppiin hálddašanguovllu olggobealde lea vuoigatvuohta oahpahussii sámegillii vuođđoskuvladássái jus sii leat uhcimusat logi oahppi gielddas. Dát vuoigatvuohta bisuhuvvo nu guhká go uhcimusat guhtta oahppi lea vel joavkkus.

Norgga Sámedikki mielas ii leat riehta ahte dát vuoigatvuohta galgá ráddjejuvvot das gos orut (geográfalaččat), ja das galle eará mánát (loguid mielde) háliidit oahpahas sámegillii.

Oahpahuslágas § 6-2, guđát láđđasis čuožžu ná: Oahppit mearridit ieža háliidit go oahpahas sámeigielas ja sámegilli 8. klássa rájes vuosttaš, nuppi ja viđat lađđasa mielde. Dát mearkkaša ahte oahppit 8.luohká rájes sáhttet válljet eret sámeigielága, vaikko vel leage leamaš sámeigiella fágan vuosttaš luohká rájes. Vuosttaš luohká rájes čihččet luohkkái lea váhnemiid duohken mearridit galgá go mánáin sámeigiella skuvllas. Lea dušše suohkaniin gos leat mearridan ahte sámeigiella galgá bákkolaš fágan (Guovdageainnus, Kárášjogas ja Unjárggas) maid oahppit eai sáhte válljet eret.

Norgga Sámedikki mielas ii leat riehta ahte oahppit galget beassat válljet eret sámeigiela 8. klássas.